



SLUŽBENE NOVINE

KANTONA SARAJEVO

Godina XXII – Broj 45

Četvrtak, 16. novembra 2017. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 39. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13) i člana 4. Zakona o izmjenama i dopunama Zakona o pravobranilaštvu ("Službene novine Kantona Sarajevo", broj 44/16), Skupština Kantona Sarajevo, na sjednici održanoj dana 31.10.2017. godine, donijela je

ODLUKU

I

Daje se saglasnost Ministarstvu za boračka pitanja Kantona Sarajevo da može pristupiti potpisivanju Anexa na Ugovor o udruživanju sredstava za dodjelu stana u vlasništvo pripadnicima boračkih populacija broj OPU-IP 373/2017 od 03.05.2017. godine, koji će biti zaključen pred Jasminom Selimović, notarom iz Sarajeva između "Fonda Kantona Sarajevo za izgradnju stanova za članove porodica šehida i poginulih boraca, ratnih vojnih invalida, demobilisane borce i prognane osobe" kao prodavca i Ministarstva za boračka pitanja Kantona Sarajevo, kao udružioaca sredstava, kojim je izmijenjena obaveza Ministarstva za boračka pitanja tako da umjesto 907.857,30 KM koliko je bilo predviđeno osnovnim Ugovorom koji je predmet Anexa, obaveza treba iznositi 982.957,20 KM.

II

Anex Ugovora iz tačke I ove Odluke je u okviru sredstava utvrđenih Budžetom Kantona Sarajevo za ovu namjenu.

III

Ovlašćuje se ministar za boračka pitanja Kantona Sarajevo, mr. Muharem Fišo, JMBG broj 0109964171302, LK: 25OMOOAOM, izdata od MUP Kantona Sarajevo - Hadžići za potpis Anexa Ugovora iz tačke I ove Odluke.

IV

Ova Odluka stupa na snagu danom donošenja i objaviće se u "Službenim novinama Kantona Sarajevo".

Broj 01-05-32186/17
31. oktobra 2017. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Vlada Kantona Sarajevo

Na osnovu člana 14. stav (2) i 16. stav (3) Zakona o komunalnim djelatnostima ("Službene novine Kantona Sarajevo", broj 14/16, 43/16, 10/17 i 19/17) i člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 101. sjednici održanoj 09.11.2017. godine, donijela je

UREDBU

O DOPUNAMA UREDBE O NAČINU OSTVARIVANJA PRAVA NA NAKNADU ZA PRIJEVOZ NA POSAO I SA POSLA UPOSLENIKA U JAVNIM INSTITUCIJAMA, JAVNIM USTANOVAMA, FONDOVIMA I PREDUZEĆIMA ČIJI JE OSNIVAČ I SUOSNIVAČ KANTON SARAJEVO

Član 1.

(Dopuna člana 2.)

U Uredbi o načinu ostvarivanja prava na naknadu za prijevoz na posao i sa posla uposlenika u javnim institucijama, javnim ustanovama, fondovima i preduzećima čiji je osnivač i suosnivač Kanton Sarajevo, broj 02-05-29194-2/17 od 29.09.2017. godine, u članu 2. iza stava (3) dodaje se novi stav (4) i (5) koji glase:

"(4) Lice iz stava (2) ovog člana, koje ima prebivalište van granica Kantona, pravo na troškove prijevoza na posao i sa posla od granice Kantona (tj. od zadnje stanice javnog linijskog prijevoza na području Kantona) do mjesta prebivališta, ostvaruje na način kako je to propisano kolektivnim ugovorom, pravilnikom o radu ili ugovorom o radu."

"(5) Način utvrđivanja udaljenosti mjesta stanovanja od mjesta rada propisat će Vlada Kantona posebnim zaključkom, na prijedlog Ministarstva saobraćaja."

Član 2.

(Dopuna člana 3.)

(1) U članu 3. u stavu (1) Uredbe, iza riječi "člana 2." dodaju se riječi koje glase: "st. (1), (2) i (3)"

(2) U članu 3. iza stava (2) Uredbe dodaje se novi st. (3), (4), (5) i (6) koji glase:

"(3) Izuzetno od odredbi stava (1) ovog člana, ako adresa stanovanja uposlenika iz člana 1. ove Uredbe, nije pokrivena mrežom javnog linijskog prijevoza putnika na području Kantona ili ako vrijeme obavljanja rada uposlenika iz člana 1.

- ove Uredbe (ako radno vrijeme uposlenika zahtjeva dolazak na posao ili odlazak sa posla u vrijeme kada nije organizovan javni linijski prijevoz putnika na području Kantona; ako je raspored rada uposlenika na dvije lokacije kao što je rad u dvije škole ili institucije; ako je radno vrijeme uposlenika dvokratno i ne može svoje odlaske i dolaske organizovati korištenjem javnog linijskog prijevoza putnika na području Kantona) zahtijeva drugačiji način prijevoza, radnik ima pravo na naknadu za troškove prijevoza u visini cijene karte javnog linijskog prijevoza putnika.
- (4) Odgovorno lice javne institucije, javne ustanove, fonda i preduzeća čiji je osnivač i suosnivač Kanton Sarajevo obavezan je, za svaki pojedinačni zahtjev radnika za ostvarivanje prava iz člana 3. stav (3) ove Uredbe, provesti postupak u skladu sa Zakonom o upravnom postupku ("Službene novine Federacije BiH", broj 2/98 i 48/99), te na osnovu materijalnih dokaza i utvrđenih činjenica donijeti odluku kojom se utvrđuje da adresa stanovanja uposlenika iz člana 1. ove Uredbe, nije pokrivena mrežom javnog linijskog prijevoza putnika na području Kantona ili da vrijeme obavljanja rada uposlenika iz člana 1. ove Uredbe zahtijeva drugačiji način prijevoza.
- (5) Odluku iz stava (4) ovog člana odgovorno lice javne institucije, javne ustanove, fonda i preduzeća čiji je osnivač i suosnivač Kanton Sarajevo obavezan je dostaviti Ministarstvu saobraćaja i Ministarstvu finansija Kantona Sarajevo.
- (6) Odluka iz stava (4) ovog člana postaje izvršna nakon davanja saglasnosti Ministarstva saobraćaja Kantona Sarajevo na istu."

Član 3.

(Stupanje na snagu)

Ova Uredba stupa na snagu danom donošenja i objavit će se u "Službenim novinama Kantona Sarajevo".

Broj 02-05-32196-18/17
09. novembra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka) i člana 9. stav (1) tačka h), 80. stav (2) i 164. stav (1) Zakona o visokom obrazovanju ("Službene novine Kantona Sarajevo", broj 33/17), Vlada Kantona Sarajevo, na prijedlog Ministarstva za obrazovanje, nauku i mlade je, na 102. sjednici održanoj 09.11.2017. godine, donijela

ODLUKU

O PROŠIRENJU BROJA I STRUKTURE STUDENATA KOJI SE MOGU UPISATI U PRVU STUDIJSKU GODINU I. I II. CIKLUSA STUDIJA NA UNIVERZITETU U SARAJEVU U STUDIJSKOJ 2017./2018. GODINI

I

Utvrđuje se dodatni broj i struktura studenata koji se mogu upisati u prvu studijsku godinu I i II ciklusa studija na Univerzitetu u Sarajevu u studijskoj 2017/2018. godini, kako slijedi:

PRVI CIKLUS STUDIJA

1. Odobrava se **Arhitektonskom fakultetu Univerziteta u Sarajevu** dodatni upis:
 - 1 student (redovan samofinansirajući studij).

DRUGI CIKLUS STUDIJA

1. Odobrava se **Prirodno-matematičkom fakultetu Univerziteta u Sarajevu** dodatni upis:
 - 35 studenata na Odsjeku za biologiju (redovan samofinansirajući studij).
2. Odobrava se **Ekonomskom fakultetu Univerziteta u Sarajevu** dodatni upis:

- 62 sudenta na Odsjeku Menadžmenta (redovan samofinansirajući studij),
 - 37 studenta na Odsjeku Menadžmenta (DL studij),
 - 5 studenata na Odsjeku Menadžmenta (redovan samofinansirajući studij, na engleskom jeziku).
3. Odobrava se **Pedagoškom fakultetu Univerziteta u Sarajevu** dodatni upis:
 - 20 studenata na Odsjeku za razrednu nastavu (vanredni studij).
 4. Odobrava se **Poljoprivredno-prehrambenom fakultetu Univerziteta u Sarajevu** dodatni upis i promjena strukture:
 - 13 studenata na Odsjeku Prehrambene tehnologije (redovan studij) s tim da se taj broj umanjuje od odobrene kvote za redovan studij na Odsjeku Zootehnika,
 - 8 studenata na Odsjeku Ekonomika poljoprivrede i prehrambene industrije (redovan studij) s tim da se taj broj umanjuje od odobrene kvote za redovan studij na Odsjeku Biljna proizvodnja.

II

Zadužuje se Ministarstvo za obrazovanje, nauku i mlade Kantona Sarajevo da prati realizaciju ove Odluke.

III

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-32820-7/17
09. novembra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka) i člana 7. stav (3) i 12. Odluke o utvrđivanju postupka imenovanja članova Upravnog odbora Univerziteta u Sarajevu koje imenuje Vlada Kantona, početak i način rada, prava i obaveze, postupak razriješenja i druga pitanja bitna za zakonit rad i efikasno funkcioniranje Upravnog odbora Univerziteta u Sarajevu ("Službene novine Kantona Sarajevo", broj 27/13 i 42/17), Vlada Kantona Sarajevo je, na 102. sjednici održanoj 09.11.2017. godine, donijela

ODLUKU

O IMENOVANJU PREDSJEDNIKA I ČLANOVA KOMISIJE ZA PROVOĐENJE KONKURSNE PROCEDURE IZBORA ČETIRI ČLANA UPRAVNOG ODBORA UNIVERZITETA U SARAJEVU - PREDSTAVNIKA OSNIVAČA

I

U Komisiju za provođenje konkursne procedure izbora četiri člana Upravnog odbora Univerziteta u Sarajevu - predstavnika Osnivača (u daljnjem tekstu: Komisija), imenuju se:

1. Abid Fejzić, predsjednik
2. Nihada Čolić, član
3. Seada Mulaomerović, član
4. Prof. dr. Rasim Lakota, član
5. Prof. dr. Sanjin Kodrić, član

II

Zadatak Komisije je da, u skladu sa odredbama Odluke o utvrđivanju postupka imenovanja članova Upravnog odbora Univerziteta u Sarajevu koje imenuje Vlada Kantona, početak i način rada, prava i obaveze, postupak razriješenja i druga pitanja bitna za zakonit rad i efikasno funkcioniranje Upravnog odbora Univerziteta u Sarajevu, pregleda i utvrdi formalno-pravnu urednost pristiglih prijava (blagovremenost i potpunost), provede intervju sa svim kandidatima koji ispunjavaju formalne uslove Konkursa, sačini rang-listu kandidata čije su prijave ocijenjene formalno-pravno urednim, kao i druge potrebne